

# **Primu cuncursu literàriu arrejionali in lingua sarda, bariedadi Campidanesa, "Sa Mariposa".**

## ARREGULÀRIU

Art. 1 - Su 1<sup>u</sup> Cìrculu Didàtigu de Sinnia at apariçau unu cuncursu literàriu, ki di nanta *Sa Mariposa*, sceti po is imparantis de is iscolas ilementaris de sa Sardinnya.

Art. 2 - Cust'apariçu bolit torrai a sa lingua sarda sa faina de mèdiu po cominigai, po s'expressai e po creai, cumentis di spètat po su ki nanta sa Carta europea de is linguas minoridàrias, sa lei arrejionali 26/97 e sa lei natzionali 482/99.

Art. 3 - Is obras depint essi scritas in lingua sarda in bariedadi campidanesa.

Art. 4 - Su cuncursu tenit una setzioni sceti, po sa scola ilementari sceti.

Art. 5 - In sa setzioni du est una parti po **poesia** e una parti po **contus**.  
Fait a mandai obras ki no funti stètias imprentadas mai, de calikisiat longària.

Art. 6 - Is obras depint essi scritas a màkina o a manu puru, e depit fai a das ligi a craru, po no essi bogadas de su cuncursu, cumentis podit detzidi sa Juria, ki no fait a discuti.

Art. 7 - Totu is obras dèpinti lompi intr' 'e sa di' ki eus nau in su bandu de s'annu. Po custa primu bessida, de s'annu 2002, depinti lompi intr' 'e su 30 de Abrili de su 2002 e totu.

Art. 8 - Sa Juria da fàinti studiaus de lingua e de literadura, sa dirigidora scolàstiga, is personis ki anti pesau su Cuncursu e is atras espressadas po sa di' de is premiaduras.  
Is jugis iligint unu presidenti e detzidint a mayoria. Ki nç'at paridadi su votu de su presidenti balit duas bortas. Su ki sçobèrat sa Juria no fait a du discuti.

Art. 9 - Po apretziai is obras sa Juria at a castiai: sa fortza de sa comunigadura, sa stravanesa, su balori literàriu, sa spertesa in sa lingua, sa justesa de sa forma.

Art. 10 - Sa di' de sa premiadura d'eus a comunigai prima meda de su tempus a totu is iscolas ki ant ai mandau obras.

Art. 11 - Is prèmius postus funti: parti "*poesia*"; parti "*contus*".